

Na osnovu člana 4. i 5. Zakona o donacijama preduzeća u javnom vlasništvu ili pod javnom kontrolom u Federaciji Bosne i Hercegovine („Sl. novine Federacije BiH“, broj:13/03), člana 78. stav (1) tačka r) Statuta Dioničkog društva BH Telecom Sarajevo, broj: 00.1-03-17072/20-10 od 29.06.2020. godine i člana 21. Pravilnika o donacijama u Dioničkom društvu BH Telecom Sarajevo, broj: 00.1-08-74238/19-1 od 29.08.2019. godine, Komisija za dodjelu donacija Nadzornog odbora Dioničkog društva BH Telecom Sarajevo, o b j a v l j u j e

JAVNI OGLAS/NATJEČAJ ZA DODJELU DONACIJA DIONIČKOG DRUŠTVA BH TELECOM SARAJEVO U 2022. GODINI

I Predmet oglasa / natječaja

Predmet Javnog oglasa / natječaja je dodjela donacija koje u 2022. godini dodjeljuje Dioničko društvo BH TELECOM Sarajevo (u daljem tekstu: Društvo) pravnim licima, kao podršku za finansiranje ili sufinansiranje programa ili projekata ili aktivnosti, na području Federacije BiH i/ili Bosne i Hercegovine, iz oblasti djelovanja:

- a) Osnovnih i srednjih škola (finansiranje ili sufinansiranje nabavke IT opreme za potrebe opremanja informatičkih kabineta);
- b) Javnih kuhinja (nabavka namirnica i/ili kuhinjske opreme);
- c) Udruženja/ustanove koje se bave brigom o djeci sa posebnim potrebama i Udruženja/ustanove koje se bave brigom o djeci sa poteškoćama u razvoju;
- d) Udruženja roditelja djece oboljele od malignih bolesti.
- e) Općinska/gradska udruženja penzionera i Centri za zdravo starenje.

Donacije se dodjeljuju isključivo u novčanim sredstvima - novcu, uplatom na transakcijski račun korisnika – primaoca donacije.

II Pravo učešća za dodjelu donacija

Pravo učešća za dodjelu donacije kroz programe ili projekte ili aktivnosti imaju pravna lica koja su registrovana za obavljanje djelatnosti iz tačke I ovog Javnog oglasa/natječa, najmanje jednu godinu prije objave ovog natječaja.

Korisnik ima pravo učestvovati u postupku dodjele donacija samo za jedan program ili projekat ili aktivnost iz jedne od oblasti za koje se donacije mogu dodjeliti i koji nije komercijalan i ne donosi finansijsku korist istom.

Pravna lica iz tačke Ia imaju pravo učešća u ovom ciklusu ukoliko su njihovi osnivači općine/kantoni/Distrikt.

III Uslovi za dodjelu donacija

Da bi Korisnik (pravno lice) ostvario poslovnu saradnju sa Društvom za dodjelu donacija, potrebno je da ispunjava sljedeće uslove:

- da je registrovano pravno lice na području Federacije BiH i/ili Bosne i Hercegovine,
- da dostavi popunjen obrazac Prijave za dodjelu donacije **sa svim traženim / potrebnim dokumentima** navedenim u tački V Zahtjeva za dodjelu donacija ovoga Javnog oglasa / natječaja.

Kod odabira dobitnika donacije, **prednost će imati korisnici usluga Dioničkog društva BH Telecom Sarajevo** što se dokazuje dostavom kopije dokumenta da je korisnik usluge Dioničkog društva BH Telecom Sarajevo (ne starije od 3 mjeseca), kao i pravna lica koja do sada nisu dobila donaciju od strane Društva, a ispunjavaju tražene uslove.

Prijava / aplikacija na Javni oglas/natječaj za dodjelu donacija koje daje Društvo će biti odbačena u slučaju da:

- a) Korisnik dostavi lažnu, nepotpunu i netačnu dokumentaciju;
- b) Korisnik netačno i nepotpuno popuni prijavu za Javni oglas / natječaj;
- c) Program ili projekat ili aktivnost bude u suprotnosti sa poslovnom strategijom Društva;
- d) Program ili projekat ili aktivnost u vrijeme podnošenja prijave ili donošenja odluke bude završen;

IV Kriteriji za odabir i dodjelu donacija

Kvalifikacija i ocjena prispjelih prijava za odabir i dodjelu donacija vrši se na osnovu sljedećih kriterija:

- ispunjenje uslova za dodjelu donacija,
- dobrobit za društvenu zajednicu,
- originalnost programa ili projekta.

V Zahtjev za dodjelu donacija

Zahtjev za dodjelu donacija podnosi se na obrascu: „Prijava za dodjelu donacija“, koji se može preuzeti na protokolu u sjedištu Društva, protokolima regionalnih direkcija ili sa web stranice Društva. (LINK: [Donacije - BH Telecom d.d. Sarajevo](#)), uz koji se obavezno prilaže sljedeća dokumentacija:

- 1/ Popunjen obrazac Prijave za dodjelu donacija sa svim traženim / potrebnim dokumentima navedenim u ovoj tački Zahtjeva za dodjelu donacija;
- 2/ Fotokopija Rješenja/Odluke o registraciji/osnivanju podnosioca, izdato od strane ovlaštenog organa, iz kojeg se može utvrditi status podnosioca prijave (lica ovlaštena za zastupanje, djelatnost korisnika i dr.);
- 3/ Fotokopija Uvjerenja o poreskoj registraciji (identifikacijski broj – JIB) i identifikacijski broj obveznika neoporezivih poreza – PDV broj, ako postoji;
- 4/ Prijedlog programa ili projekta koji se kandiduje za dodjelu donacije sa specifikacijom troškova finansiranja ili sufinansiranja realizacije programa/projekta (nabavka opreme/tehničkih i drugih sredstava potrebnih za rad podnosioca zahtjeva);
- 5/ Fotokopiju ugovora sa poslovnom bankom ili drugi odgovarajući dokaz o otvaranju/posjedovanju transakcijskog računa (subjekt - budžetski korisnik je u obavezi dostave potvrde/podataka koji dokazuju da je u sistemu trezorskog poslovanja (naziv banke, broj transakcijskog računa, budžetska organizacija, vrsta prihoda, šifra općine);
- 6/ Izvještaj o finansijskom poslovanju za prethodnu godinu sačinjen od strane ovlaštenog organa (osim u slučaju da je pravno lice osnovano u prethodnoj godini);
- 7/ Izvještaj o utrošku doniranih sredstava za projekat odobren u prethodnim godinama od strane Društva, ako isti nije dostavljen do raspisivanja ovog Javnog oglasa / natječaja;
- 8/ Potvrda / Izjava o broju: učenika osnovnih i srednjih škola / korisnika javne kuhinje / djece sa posebnim potrebama / sa poteškoćama u razvoju i djece oboljele od malignih bolesti koja su članovi udruženja/ustanova, penzionera članova/korisnika udruženja /Centara.

NAPOMENA:

Nepotpuna i neblagovremeno dostavljena Prijava za dodjelu donacija sa pripadajućom traženom dokumentacijom navedenoj u tački V ovog Javnog oglasa / natječaja, neće biti prihvaćena i uzeta u razmatranje.

Prijava za dodjelu donacija mora biti čitko, uredno i u potpunosti popunjena, ovjerena pečatom i potpisom ovlaštene osobe podnosioca prijave.

VI Podnošenje prijave za dodjelu donacija

Prijava za dodjelu donacija, sa navedenom dokumentacijom, dostavlja se u zatvorenoj koverti na adresu:

Dioničko društvo BH TELECOM Sarajevo
ul. Franca Lehara br. 7
71000 Sarajevo
s naznakom: „Prijava na Javni oglas / natječaj za dodjelu donacija u 2022. godini“
– NE OTVARATI –

U obzir će se uzeti samo one prijave koje ispunjavaju uslove iz tačke III, IV i V i koje su podnesene u roku, sa kompletnom traženom dokumentacijom ovog Javnog oglasa / natječaja i uz uredno popunjenu Prijavu za dodjelu donacija.

Javni oglas / natječaj ostaje otvoren 21 (dvadesetjedan) dan od dana objavljivanja u printanim medijima i web stranici Društva (LINK: [Donacije - BH Telecom d.d. Sarajevo](#)) i sve prijave koje budu upućene/dostavljene nakon isteka roka neće biti uzete u razmatranje.

Dokumentacija priložena uz prijavu neće se vraćati podnosiocu prijave.

VII Ostale napomene

Nakon provedene procedure, u skladu sa Pravilnikom o donacijama u Dioničkom društvu BH Telecom Sarajevo, svi korisnici koji budu odabrani kao dobitnici donacija bit će obavješteni o dodjeli i sa njima će se zaključiti ugovor o dodjeli donacije.

Konačan spisak dobitnika donacija, namjena donacije kao i dodijeljeni iznos, Društvo će objaviti u Službenim novinama Federacije BiH i na svojoj web stranici.

Broj: 00.1-13-78915/22

**KOMISIJA ZA DODJELU DONACIJA
DIONIČKOG DRUŠTVA BH TELECOM SARAJEVO**